





REGIONE AUTÒNOMA DE SARDIGNA
REGIONE AUTONOMA DELLA SARDEGNA



COMUNU DE SESTU
TZITADI METROPOLITANA DE CASTEDDU



S'otu de austu est sa diri mundiali de sa gatu Curiosidadis de su mundu. Sa stòria trista de s'Astrogatu Félicette



Su 18 de su mesi de ladàmini de su 1963 is frantzesus iant spedi in su spàtziu, a intru de una sonda chi iant nomenau Véronique AG1, una pisitedda chi si naràt Félicette. Su bòlidu fiat lòmpiu a 157 chilòmetrus de artària e si fiat stentau 10 minutus e 32 segundus, arribendi a un'allestrada de 9,5 G chi iat fatu svènniri po calincunu segundu sa pobera gatu.

Po bona sorti fiat aterrada bia e iat bìviu po una pariga de mesis a pustis de s'atterràgiu. In cussu tempus is scenziaus iant fatu stùdius meda a pitzus de sa gatixedda po biri is efetus de is radiatzionis fintzas a candu, a dolu mannu, dd'iant bocia po studiai prus a fundu is elètroodus chi teniat in su ciorbeddu.

In su 2019 in s'International Space University de Strasburgo ant dedicau una stàtua a Fèlicette. Sa gatu est afigurada sètzia a pitzus de su mundu in s'interis chi castiat su Spàtziu.

